

gustav / February 08, 2013 09:48PM

[金光明最勝王經卷第一](#)

T16n0665_p0403a01(00)	
T16n0665_p0403a02(00)	No. 665 [Nos. 663, 664]
T16n0665_p0403a03(00)	金光明最勝王經卷第一
T16n0665_p0403a04(00)	
T16n0665_p0403a05(00)	大唐三藏沙門義淨奉 制譯
T16n0665_p0403a06(00)	序品第一
T16n0665_p0403a07(00)	如是我聞：一時薄伽梵，
T16n0665_p0403a08(07)	在王舍城鷲峰山頂，於最清淨甚深法界，諸佛之境如來所居，
T16n0665_p0403a09(00)	與大苾芻眾九萬八千人，皆是阿羅漢——
T16n0665_p0403a10(01)	能善調伏如大象王，諸漏已除，無復煩惱，
T16n0665_p0403a11(01)	心善解脫，慧善解脫，所作已畢，捨諸重擔，
T16n0665_p0403a12(01)	逮得己利，盡諸有結，得大自在，住清淨戒，
T16n0665_p0403a13(01)	善巧方便，智慧莊嚴，證八解脫，已到彼岸——
T16n0665_p0403a14(01)	其名曰：具壽阿若憍陳如，具壽阿說侍多，
T16n0665_p0403a15(01)	具壽婆濕波，具壽摩訶那摩，具壽婆帝利迦，
T16n0665_p0403a16(00)	大迦攝波，優樓頻螺迦攝，伽耶迦攝，
T16n0665_p0403a17(01)	那提迦攝，舍利子，大目乾連；
T16n0665_p0403a18(06)	惟阿難陀住於學地。如是等諸大聲聞，
T16n0665_p0403a19(07)	各於晡時從定而起，往詣佛所，頂禮佛足，右邊三匝，
T16n0665_p0403a20(03)	退坐一面。
T16n0665_p0403a21(00)	復有菩薩摩訶薩，百千萬億人俱——
T16n0665_p0403a22(03)	有大威德，如大龍王，名稱普聞，眾所知識，
T16n0665_p0403a23(03)	施戒清淨，常樂奉持，忍行精勤，經無量劫，
T16n0665_p0403a24(03)	超諸靜慮，繫念現前，開闡慧門，善修方便，
T16n0665_p0403a25(03)	自在遊戲，微妙神通，逮得總持，辯才無盡，
T16n0665_p0403a26(02)	斷諸煩惱，累染皆亡，不久當成一切種智，
T16n0665_p0403a27(02)	降魔軍眾而擊法鼓，制諸外道，令起淨心，
T16n0665_p0403a28(01)	轉妙法輪，度人天眾，十方佛土悉已莊嚴，
T16n0665_p0403a29(02)	六趣有情無不蒙益，成就大智，具足大忍，
T16n0665_p0403b01(01)	住大慈悲心，有大堅固力，歷事諸佛，
T16n0665_p0403b02(02)	不般涅槃，發弘誓心，盡未來際，
T16n0665_p0403b03(06)	廣於佛所深種淨因，於三世法悟無生忍，
T16n0665_p0403b04(06)	逾於二乘所行境界，以大善巧化導世間，
T16n0665_p0403b05(04)	於大師教悉能敷演，祕密之法，甚深空性，皆已了知，
T16n0665_p0403b06(00)	無復疑惑——其名曰：無障礙轉法輪菩薩，
T16n0665_p0403b07(01)	常發心轉法輪菩薩，常精進菩薩，不休息菩薩，
T16n0665_p0403b08(00)	慈氏菩薩，妙吉祥菩薩，觀自在菩薩，
T16n0665_p0403b09(02)	總持自在王菩薩，大辯莊嚴王菩薩，
T16n0665_p0403b10(05)	妙高山王菩薩，大海深王菩薩，寶幢菩薩，
T16n0665_p0403b11(04)	大寶幢菩薩，地藏菩薩，虛空藏菩薩，寶手自在菩薩，
T16n0665_p0403b12(01)	金剛手菩薩，歡喜力菩薩，大法力菩薩，
T16n0665_p0403b13(02)	大莊嚴光菩薩，大金光莊嚴菩薩，淨戒菩薩，
T16n0665_p0403b14(01)	常定菩薩，極清淨慧菩薩，堅固精進菩薩，
T16n0665_p0403b15(02)	心如虛空菩薩，不斷大願菩薩，施藥菩薩，
T16n0665_p0403b16(03)	療諸煩惱病菩薩，醫王菩薩，歡喜高王菩薩，
T16n0665_p0403b17(03)	得上授記菩薩，大雲淨光菩薩，大雲持法菩薩，
T16n0665_p0403b18(01)	大雲名稱喜樂菩薩，大雲現無邊稱菩薩，
T16n0665_p0403b19(02)	大雲師子吼菩薩，大雲牛王吼菩薩，
T16n0665_p0403b20(05)	大雲吉祥菩薩，大雲寶德菩薩，大雲日藏菩薩，
T16n0665_p0403b21(03)	大雲月藏菩薩，大雲星光菩薩，大雲火光菩薩，
T16n0665_p0403b22(01)	大雲電光菩薩，大雲雷音菩薩，
T16n0665_p0403b23(05)	大雲慧雨充遍菩薩，大雲清淨雨王菩薩，
T16n0665_p0403b24(06)	大雲花樹王菩薩，大雲青蓮花香菩薩，

T16n0665_p0403b25(07) 大雲寶栴檀香清涼身菩薩，大雲除闇菩薩，大雲破[醫-酉+目]菩薩。
 T16n0665_p0403b26(00) 如是等無量大菩薩眾，各於晡時，
 T16n0665_p0403b27(03) 從定而起，往詣佛所，頂禮佛足，右邊三匝，
 T16n0665_p0403b28(03) 退坐一面。復有梨車毘童子五億八千，其名曰：
 T16n0665_p0403b29(01) 師子光童子，師子慧童子，法授童子，
 T16n0665_p0403c01(04) 因陀羅授童子，大光童子，大猛童子，佛護童子，
 T16n0665_p0403c02(03) 法護童子，僧護童子，金剛護童子，虛空護童子，
 T16n0665_p0403c03(02) 虛空吼童子，寶藏童子，吉祥妙藏童子，
 T16n0665_p0403c04(03) 如是等人而為上首，悉皆安住無上菩提，
 T16n0665_p0403c05(03) 於大乘中，深信歡喜。各於晡時，往詣佛所，
 T16n0665_p0403c06(03) 頂禮佛足，右邊三匝，退坐一面。
 T16n0665_p0403c07(00) 復有四萬二千天子，其名曰：喜見天子，
 T16n0665_p0403c08(01) 喜悅天子，日光天子，月髻天子，明慧天子，
 T16n0665_p0403c09(02) 虛空淨慧天子，除煩惱天子，吉祥天子，
 T16n0665_p0403c10(04) 如是等天子而為上首，皆發弘願，護持大乘，
 T16n0665_p0403c11(03) 紹隆正法，能使不絕。各於晡時，往詣佛所，
 T16n0665_p0403c12(02) 頂禮佛足，右邊三匝，退坐一面。
 T16n0665_p0403c13(00) 復有二萬八千龍王：蓮華龍王，
 T16n0665_p0403c14(04) [醫-酉+言]羅葉龍王，大力龍王，大吼龍王，小波龍王，
 T16n0665_p0403c15(03) 持駛水龍王，金面龍王，如意龍王，
 T16n0665_p0403c16(06) 如是等龍王而為上首，於大乘法，常樂受持，發深信心，
 T16n0665_p0403c17(01) 稱揚擁護。各於晡時，往詣佛所，頂禮佛足，
 T16n0665_p0403c18(01) 右邊三匝，退坐一面。
 T16n0665_p0403c19(00) 復有三萬六千諸藥叉眾，
 T16n0665_p0403c20(06) 毘沙門天王而為上首。其名曰：菴婆藥叉，持菴婆藥叉，
 T16n0665_p0403c21(01) 蓮花光藏藥叉，蓮花面藥叉，顰眉藥叉，
 T16n0665_p0403c22(03) 現大怖藥叉，動地藥叉，吞食藥叉，
 T16n0665_p0403c23(07) 是等藥叉悉皆愛樂如來正法，深心護持，不生疲懈。
 T16n0665_p0403c24(03) 各於晡時，往詣佛所，頂禮佛足，右邊三匝，
 T16n0665_p0403c25(03) 退坐一面。
 T16n0665_p0403c26(00) 復有四萬九千揭路茶王，
 T16n0665_p0403c27(06) 香象勢力王而為上首，及餘健闥婆，阿蘇羅，緊那羅，
 T16n0665_p0403c28(01) 莫呼洛伽等，山林河海一切神仙，
 T16n0665_p0403c29(05) 并諸大國所有王眾，中宮后妃，淨信男女，
 T16n0665_p0404a01(06) 人天大眾悉皆雲集，咸願擁護無上大乘，讀誦受持，
 T16n0665_p0404a02(02) 書寫流布。各於晡時，往詣佛所，頂禮佛足，
 T16n0665_p0404a03(02) 右邊三匝，退坐一面。如是等聲聞、菩薩、人天大眾、
 T16n0665_p0404a04(00) 龍神八部，既雲集已，各各至心合掌恭敬，
 T16n0665_p0404a05(01) 瞻仰尊容，目未曾捨，願樂欲聞殊勝妙法。
 T16n0665_p0404a06(01) 爾時，薄伽梵於日晡時，從定而起，觀察大眾，
 T16n0665_p0404a07(00) 而說頌曰：
 T16n0665_p0404a08(00) 「金光明妙法，最勝諸經王；
 T16n0665_p0404a09(00) 甚深難得聞，諸佛之境界。
 T16n0665_p0404a10(00) 我當為大眾，宣說如是經；
 T16n0665_p0404a11(00) 并四方四佛，威神共加護：
 T16n0665_p0404a12(00) 東方阿[門@（人/（人*人））]尊，南方寶相佛，
 T16n0665_p0404a13(00) 西方無量壽，北方天鼓音。
 T16n0665_p0404a14(00) 我復演妙法，吉祥懺中勝，
 T16n0665_p0404a15(00) 能滅一切罪，淨除諸惡業。
 T16n0665_p0404a16(00) 及消眾苦患，常與無量樂，
 T16n0665_p0404a17(00) 一切智根本，諸功德莊嚴。
 T16n0665_p0404a18(00) 眾生身不具，壽命將損減，
 T16n0665_p0404a19(00) 諸惡相現前，天神皆捨離。
 T16n0665_p0404a20(00) 親友懷瞋恨，眷屬悉分離，
 T16n0665_p0404a21(00) 彼此共乖違，珍財皆散失。

T16n0665_p0404a22(00) 惡星為變怪，或被邪蟲侵，
 T16n0665_p0404a23(00) 若復多憂愁，眾苦之所逼，
 T16n0665_p0404a24(00) 睡眠見惡夢，因此生煩惱。
 T16n0665_p0404a25(00) 是人當澡浴，應著鮮潔衣，
 T16n0665_p0404a26(00) 於此妙經王，甚深佛所讚，
 T16n0665_p0404a27(00) 專注心無亂，讀誦聽受持。
 T16n0665_p0404a28(00) 由此經威力，能離諸災橫，
 T16n0665_p0404a29(00) 及餘眾苦難，無不皆除滅。
 T16n0665_p0404b01(00) 護世四王眾，及大臣眷屬，
 T16n0665_p0404b02(00) 無量諸藥叉，一心皆擁衛。
 T16n0665_p0404b03(00) 大辯才天女，尼連河水神，
 T16n0665_p0404b04(00) 訶利底母神，堅牢地神眾，
 T16n0665_p0404b05(00) 梵王帝釋主，龍王緊那羅，
 T16n0665_p0404b06(00) 及金翅鳥王，阿蘇羅天眾，
 T16n0665_p0404b07(00) 如是天神等，并將其眷屬，
 T16n0665_p0404b08(00) 皆來護是人，晝夜常不離。
 T16n0665_p0404b09(00) 我當說是經，甚深佛行處；
 T16n0665_p0404b10(00) 諸佛祕密教，千萬劫難逢。
 T16n0665_p0404b11(00) 若有聞是經，能為他演說，
 T16n0665_p0404b12(00) 若心生隨喜，或設於供養；
 T16n0665_p0404b13(00) 如是諸人等，當於無量劫，
 T16n0665_p0404b14(00) 常為諸天人，龍神所恭敬。
 T16n0665_p0404b15(00) 此福聚無量，數過於恒沙，
 T16n0665_p0404b16(00) 讀誦是經者，當獲斯功德。
 T16n0665_p0404b17(00) 亦為十方尊，深行諸菩薩，
 T16n0665_p0404b18(00) 擁護持經者，令離諸苦難。
 T16n0665_p0404b19(00) 供養是經者，如前澡浴身，
 T16n0665_p0404b20(00) 飲食及香花，恒起慈悲意。
 T16n0665_p0404b21(00) 若欲聽是經，令心淨無垢；
 T16n0665_p0404b22(00) 常生歡喜念，能長諸功德。
 T16n0665_p0404b23(00) 若以尊重心，聽聞是經者；
 T16n0665_p0404b24(00) 善生於人趣，遠離諸苦難。
 T16n0665_p0404b25(00) 彼人善根熟，諸佛之所讚；
 T16n0665_p0404b26(00) 方得聞是經，及以懺悔法。」
 T16n0665_p0404b27(00) 金光明最勝王經如來壽量品第二
 T16n0665_p0404b28(00) 爾時，王舍大城有一菩薩摩訶薩，
 T16n0665_p0404b29(03) 名曰妙幢，已於過去無量俱胝那由多百千佛所，
 T16n0665_p0404c01(00) 承事供養，殖諸善根。
 T16n0665_p0404c02(08) 是時妙幢菩薩獨於靜處，作是思惟：「以何因緣，
 T16n0665_p0404c03(06) 釋迦牟尼如來壽命短促，唯八十年？」復作是念：「如佛所說，
 T16n0665_p0404c04(00) 有二因緣，得壽命長。云何為二？一者、
 T16n0665_p0404c05(02) 不害生命，二者、施他飲食。
 T16n0665_p0404c06(08) 然釋迦牟尼如來曾於無量百千萬億無數大劫，不害生命，
 T16n0665_p0404c07(01) 行十善道，常以飲食惠施一切飢餓眾生，
 T16n0665_p0404c08(01) 乃至己身血肉骨髓，亦持施與，令得飽滿，
 T16n0665_p0404c09(02) 況餘飲食。」時彼菩薩於世尊所，作是念時，
 T16n0665_p0404c10(02) 以佛威力，其室忽然廣博嚴淨，
 T16n0665_p0404c11(07) 帝青琉璃種種眾寶，雜彩間飾，如佛淨土，
 T16n0665_p0404c12(07) 有妙香氣過諸天香，芬馥充滿。
 T16n0665_p0404c13(11) 於其四面各有上妙師子之座，四寶所成，以天寶衣而敷其上。
 T16n0665_p0404c14(03) 復於此座有妙蓮花，種種珍寶以為嚴飾，
 T16n0665_p0404c15(03) 量等如來自然顯現。於蓮花上有四如來，
 T16n0665_p0404c16(02) 東方不動，南方寶相，西方無量壽，北方天鼓音。
 T16n0665_p0404c17(00) 是四如來各於其座加趺而坐，
 T16n0665_p0404c18(03) 放大光明，周遍照耀王舍大城，及此三千大千世界，

T16n0665_p0404c19(00) 乃至十方恒河沙等諸佛國土，雨諸天花，
 T16n0665_p0404c20(01) 奏諸天樂。爾時，
 T16n0665_p0404c21(11) 於此瞻部洲中及三千大千世界，所有眾生，以佛威力，受勝妙樂，
 T16n0665_p0404c22(02) 無有乏少。若身不具，皆蒙具足，盲者能視，
 T16n0665_p0404c23(02) 聾者得聞，啞者能言，愚者得智，
 T16n0665_p0404c24(06) 若心亂者得本心，若無衣者得衣服，被惡賤者人所敬，
 T16n0665_p0404c25(00) 有垢穢者身清潔，於此世間所有利益，
 T16n0665_p0404c26(01) 未曾有事，悉皆顯現。
 T16n0665_p0404c27(00) 爾時，妙幢菩薩見四如來及希有事，
 T16n0665_p0404c28(03) 歡喜踊躍，合掌一心，瞻仰諸佛殊勝之相，
 T16n0665_p0404c29(04) 亦復思惟釋迦牟尼如來無量功德，
 T16n0665_p0405a01(06) 惟於壽命生疑惑心：「云何如來功德無量，
 T16n0665_p0405a02(07) 壽命短促唯八十年？」爾時，四佛告妙幢菩薩言：「善男子！
 T16n0665_p0405a03(02) 汝今不應思忖如來壽命長短。何以故？善男子！
 T16n0665_p0405a04(00) 我等不見諸天世間梵、魔、沙門、婆羅門等，
 T16n0665_p0405a05(01) 人及非人，有能算知佛之壽量，知其齊限；
 T16n0665_p0405a06(01) 惟除無上正遍知者。」
 T16n0665_p0405a07(09) 時四如來欲說釋迦牟尼佛所有壽量，以佛威力，欲色界天諸龍、
 T16n0665_p0405a08(01) 鬼神、健闥婆、阿蘇羅、揭路荼、緊那羅、莫呼洛伽，
 T16n0665_p0405a09(00) 及無量百千億那由多菩薩摩訶薩，
 T16n0665_p0405a10(03) 悉來集會，入妙幢菩薩淨妙室中。爾時，
 T16n0665_p0405a11(05) 四佛於大眾中，欲顯釋迦牟尼如來所有壽量，
 T16n0665_p0405a12(03) 而說頌曰：
 T16n0665_p0405a13(00) 「一切諸海水，可知其滄數；
 T16n0665_p0405a14(00) 無有能數知，釋迦之壽量。
 T16n0665_p0405a15(00) 析諸妙高山，如芥可知數；
 T16n0665_p0405a16(00) 無有能數知，釋迦之壽量。
 T16n0665_p0405a17(00) 一切大地土，可知其塵數；
 T16n0665_p0405a18(00) 無有能數知，釋迦之壽量。
 T16n0665_p0405a19(00) 假使量虛空，可得盡邊際；
 T16n0665_p0405a20(00) 無有能度知，釋迦之壽量。
 T16n0665_p0405a21(00) 若人住億劫，盡力常算數；
 T16n0665_p0405a22(00) 亦復不能知，世尊之壽量。
 T16n0665_p0405a23(00) 不害眾生命，及施於飲食；
 T16n0665_p0405a24(00) 由斯二種因，得壽命長遠。
 T16n0665_p0405a25(00) 是故大覺尊，壽命難知數；
 T16n0665_p0405a26(00) 如劫無邊際，壽量亦如是。
 T16n0665_p0405a27(00) 妙幢汝當知，不應起疑惑；
 T16n0665_p0405a28(00) 最勝壽無量，莫能知數者。」
 T16n0665_p0405a29(00) 爾時，
 T16n0665_p0405b01(15) 妙幢菩薩聞四如來說釋迦牟尼佛壽量無限，白言：「世尊！
 T16n0665_p0405b02(09) 云何如來示現如是短促壽量？」時四世尊告妙幢菩薩言：「善男子！
 T16n0665_p0405b03(00) 彼釋迦牟尼佛於五濁世出現之時，
 T16n0665_p0405b04(03) 人壽百年，稟性下劣，善根微薄，復無信解。
 T16n0665_p0405b05(03) 此諸眾生多有我見、人見、眾生、壽者、養育邪見、
 T16n0665_p0405b06(02) 我我所見、斷常見等，
 T16n0665_p0405b07(10) 為欲利益此諸異生及眾外道如是等類，令生正解，
 T16n0665_p0405b08(05) 速得成就無上菩提，
 T16n0665_p0405b09(14) 是故釋迦牟尼如來示現如是短促壽命。善男子！
 T16n0665_p0405b10(10) 然彼如來欲令眾生見涅槃已，生難遭想、憂苦等想，
 T16n0665_p0405b11(06) 於佛世尊所說經教，速當受持，讀誦通利，為人解說，
 T16n0665_p0405b12(02) 不生謗毀，是故如來現斯短壽。
 T16n0665_p0405b13(07) 何以故？彼諸眾生若見如來不般涅槃，
 T16n0665_p0405b14(07) 不生恭敬難遭之想，如來所說甚深經典，亦不受持讀誦通利、
 T16n0665_p0405b15(00) 為人宣說。所以者何？以常見佛，不尊重故。

T16n0665_p0405b16(00) 善男子！譬如有人見其父母多有財產，
 T16n0665_p0405b17(01) 珍寶豐盈，便於財物不生希有難遭之想。
 T16n0665_p0405b18(01) 所以者何？於父財物生常想故。善男子！
 T16n0665_p0405b19(02) 彼諸眾生亦復如是，若見如來不入涅槃，
 T16n0665_p0405b20(02) 不生希有難遭之想。所以者何？由常見故。
 T16n0665_p0405b21(02) 善男子！譬如有人父母貧窮，資財乏少，
 T16n0665_p0405b22(04) 然彼貧人或詣王家、或大臣舍，
 T16n0665_p0405b23(08) 見其倉庫種種珍寶悉皆盈滿，生希有心，難遭之想。
 T16n0665_p0405b24(05) 時彼貧人為欲求財，廣設方便，策勤無怠。
 T16n0665_p0405b25(05) 所以者何？為捨貧窮，受安樂故。善男子！
 T16n0665_p0405b26(05) 彼諸眾生亦復如是，若見如來入於涅槃，
 T16n0665_p0405b27(04) 生難遭想乃至憂苦等想，復作是念：
 T16n0665_p0405b28(07) 『於無量劫諸佛如來出現於世，如烏曇跋花，時乃一現。』
 T16n0665_p0405b29(01) 彼諸眾生發希有心，起難遭想。若遇如來，
 T16n0665_p0405c01(01) 心生敬信，聞說正法，生實語想，
 T16n0665_p0405c02(05) 所有經典悉皆受持，不生毀謗。善男子！以是因緣，
 T16n0665_p0405c03(02) 彼佛世尊，不久住世，速入涅槃。善男子！
 T16n0665_p0405c04(03) 是諸如來，以如是等善巧方便成就眾生。」爾時，
 T16n0665_p0405c05(01) 四佛說是語已，忽然不現。
 T16n0665_p0405c06(00) 爾時，妙幢菩薩摩訶薩與無量百千菩薩，
 T16n0665_p0405c07(01) 及無量億那由多百千眾生，
 T16n0665_p0405c08(07) 俱共往詣鷲峰山中釋迦牟尼如來正遍知所，頂禮佛足，
 T16n0665_p0405c09(02) 在一面立。時妙幢菩薩以如上事具白世尊。
 T16n0665_p0405c10(01) 時四如來亦詣鷲峰，至釋迦牟尼佛所，
 T16n0665_p0405c11(02) 各隨本方就座而坐，告侍者菩薩言：「善男子！
 T16n0665_p0405c12(01) 汝今可詣釋迦牟尼佛所，為我致問：
 T16n0665_p0405c13(04) 『少病少惱，起居輕利，安樂行不？』復作是言：『善哉！
 T16n0665_p0405c14(01) 善哉！釋迦牟尼如來！今可演說《金光明經》
 T16n0665_p0405c15(02) 甚深法要，為欲饒益一切眾生，除去飢饉，
 T16n0665_p0405c16(02) 令得安樂，我當隨喜。』」
 T16n0665_p0405c17(10) 時彼侍者各詣釋迦牟尼佛所，頂禮雙足，卻住一面，俱白佛言：
 T16n0665_p0405c18(03) 「彼天人師致問無量：『少病少惱，起居輕利，
 T16n0665_p0405c19(03) 安樂行不？』復作是言：『善哉！善哉！釋迦牟尼如來！
 T16n0665_p0405c20(01) 今可演說《金光明經》甚深法要，
 T16n0665_p0405c21(05) 為欲利益一切眾生，除去飢饉，令得安樂。』」爾時，
 T16n0665_p0405c22(03) 釋迦牟尼如來。應。正等覺告彼侍者諸菩薩言：
 T16n0665_p0405c23(02) 「善哉！善哉！
 T16n0665_p0405c24(13) 彼四如來乃能為諸眾生饒益安樂，勸請於我宣揚正法。」爾時世尊，
 T16n0665_p0405c25(03) 而說頌曰：
 T16n0665_p0405c26(00) 「我常在鷲山，宣說此經寶；
 T16n0665_p0405c27(00) 成就眾生故，示現般涅槃。
 T16n0665_p0405c28(00) 凡夫起邪見，不信我所說；
 T16n0665_p0405c29(00) 為成就彼故，示現般涅槃。」
 T16n0665_p0406a01(00) 時大會中有婆羅門，姓憍陳如，
 T16n0665_p0406a02(04) 名曰法師授記，與無量百千婆羅門眾，供養佛已，
 T16n0665_p0406a03(01) 聞世尊說入般涅槃，涕淚交流，前禮佛足，
 T16n0665_p0406a04(01) 白言：「世尊！若實如來於諸眾生有大慈悲，
 T16n0665_p0406a05(01) 憐愍利益，令得安樂，猶如父母，餘無等者，
 T16n0665_p0406a06(01) 能與世間作歸依處，如淨滿月，
 T16n0665_p0406a07(05) 以大智慧能為照明，如日初出，普觀眾生，愛無偏黨，
 T16n0665_p0406a08(01) 如羅怛羅，惟願世尊施我一願！」
 T16n0665_p0406a09(05) 爾時世尊默然而止。佛威力故，於此眾中，
 T16n0665_p0406a10(05) 有梨車毘童子，名一切眾生[喜/心]見，語婆羅門憍陳如言：
 T16n0665_p0406a11(00) 「大婆羅門！汝今從佛欲乞何願？我能與汝。」
 T16n0665_p0406a12(00) 婆羅門言：「童子！我欲供養無上世尊，

T16n0665_p0406a13(02) 今從如來求請舍利如芥子許。
 T16n0665_p0406a14(07) 何以故？我曾聞說：『若善男子、善女人得佛舍利如芥子許，
 T16n0665_p0406a15(00) 恭敬供養，是人當生三十三天而為帝釋。』」
 T16n0665_p0406a16(00) 是時童子語婆羅門曰：
 T16n0665_p0406a17(08) 「若欲願生三十三天受勝報者，應當至心聽是
 T16n0665_p0406a18(06) 《金光明最勝王經》。於諸經中最为殊勝，難解難入，聲聞、
 T16n0665_p0406a19(00) 獨覺所不能知；
 T16n0665_p0406a20(10) 此經能生無量無邊福德果報，乃至成辦無上菩提。
 T16n0665_p0406a21(06) 我今為汝略說其事。」婆羅門言：「善哉！童子！此《金光明》
 T16n0665_p0406a22(03) 甚深最上，難解難入，聲聞、獨覺尚不能知，
 T16n0665_p0406a23(03) 何況我等邊鄙之人，智慧微淺而能解了。
 T16n0665_p0406a24(03) 是故我今求佛舍利如芥子許，持還本處，
 T16n0665_p0406a25(03) 置寶函中，恭敬供養，命終之後得為帝釋，
 T16n0665_p0406a26(03) 常受安樂。
 T16n0665_p0406a27(15) 云何汝今不能為我從明行足求斯一願？」作是語已。爾時童子即為婆羅門，
 T16n0665_p0406a28(02) 而說頌曰：
 T16n0665_p0406a29(00) 「恒河駛流水，可生白蓮花；
 T16n0665_p0406b01(00) 黃鳥作白形，黑鳥變為赤。
 T16n0665_p0406b02(00) 假使瞻部樹，可生多羅果；
 T16n0665_p0406b03(00) 竭樹羅枝中，能出菴羅葉。
 T16n0665_p0406b04(00) 斯等希有物，或容可轉變；
 T16n0665_p0406b05(00) 世尊之舍利，畢竟不可得。
 T16n0665_p0406b06(00) 假使用龜毛，織成上妙服，
 T16n0665_p0406b07(00) 寒時可被著，方求佛舍利。
 T16n0665_p0406b08(00) 假使蚊蚋足，可使成樓觀，
 T16n0665_p0406b09(00) 堅固不搖動，方求佛舍利。
 T16n0665_p0406b10(00) 假使水蛭蟲，口中生白齒，
 T16n0665_p0406b11(00) 長大利如鋒，方求佛舍利。
 T16n0665_p0406b12(00) 假使持兔角，用成於梯蹬，
 T16n0665_p0406b13(00) 可昇上天宮，方求佛舍利。
 T16n0665_p0406b14(00) 鼠緣此梯上，除去阿蘇羅，
 T16n0665_p0406b15(00) 能障空中月，方求佛舍利。
 T16n0665_p0406b16(00) 若蠅飲酒醉，周行村邑中，
 T16n0665_p0406b17(00) 廣造於舍宅，方求佛舍利。
 T16n0665_p0406b18(00) 若使驢胥色，赤如頻婆果，
 T16n0665_p0406b19(00) 善作於歌舞，方求佛舍利。
 T16n0665_p0406b20(00) 烏與鵲鷦鳥，同共一處遊，
 T16n0665_p0406b21(00) 彼此相順從，方求佛舍利。
 T16n0665_p0406b22(00) 假使波羅葉，可成於傘蓋，
 T16n0665_p0406b23(00) 能遮於大雨，方求佛舍利。
 T16n0665_p0406b24(00) 假令大船舶，盛滿諸財寶，
 T16n0665_p0406b25(00) 能令陸地行，方求佛舍利。
 T16n0665_p0406b26(00) 假使鷦鷯鳥，以嘴銜香山，
 T16n0665_p0406b27(00) 隨處任遊行，方求佛舍利。」
 T16n0665_p0406b28(00) 爾時，法師授記婆羅門聞此頌已，
 T16n0665_p0406b29(03) 亦以伽他答一切眾生[喜/心]見童子曰：
 T16n0665_p0406c01(00) 「善哉大童子，此眾中吉祥；
 T16n0665_p0406c02(00) 善巧方便心，得佛無上記。
 T16n0665_p0406c03(00) 如來大威德，能救護世間；
 T16n0665_p0406c04(00) 仁可至心聽，我今次第說。
 T16n0665_p0406c05(00) 諸佛境難思，世間無與等；
 T16n0665_p0406c06(00) 法身性常住，修行無差別。
 T16n0665_p0406c07(00) 諸佛體皆同，所說法亦爾；
 T16n0665_p0406c08(00) 諸佛無作者，亦復本無生。
 T16n0665_p0406c09(00) 世尊金剛體，權現於化身；

T16n0665_p0406c10(00) 是故佛舍利，無如芥子許。
T16n0665_p0406c11(00) 佛非血肉身，云何有舍利？
T16n0665_p0406c12(00) 方便留身骨，為益諸眾生。
T16n0665_p0406c13(00) 法身是正覺，法界即如來；
T16n0665_p0406c14(00) 此是佛真身，亦說如是法。」
T16n0665_p0406c15(00) 爾時，會中三萬二千天子，
T16n0665_p0406c16(07) 聞說如來壽命長遠，皆發阿耨多羅三藐三菩提心，歡喜踊躍，
T16n0665_p0406c17(00) 得未曾有。異口同音，而說頌曰：
T16n0665_p0406c18(00) 「佛不般涅槃，正法亦不滅；
T16n0665_p0406c19(00) 為利眾生故，示現有滅盡。
T16n0665_p0406c20(00) 世尊不思議，妙體無異相；
T16n0665_p0406c21(00) 為利眾生故，現種種莊嚴。」
T16n0665_p0406c22(00) 爾時，妙幢菩薩親於佛前，
T16n0665_p0406c23(07) 及四如來并二大士諸天子所，
T16n0665_p0406c24(11) 聞說釋迦牟尼如來壽量事已，復從座起，合掌恭敬白佛言：「世尊！
T16n0665_p0406c25(02) 若實如是，諸佛如來不般涅槃，無舍利者，
T16n0665_p0406c26(01) 云何經中說有涅槃及佛舍利，
T16n0665_p0406c27(05) 令諸人天恭敬供養？過去諸佛現有身骨流布於世，
T16n0665_p0406c28(01) 人天供養得福無邊？今復言無，致生疑惑。
T16n0665_p0406c29(00) 惟願世尊哀愍我等，廣為分別！」
T16n0665_p0407a01(00) 爾時，佛告妙幢菩薩及諸大眾：「汝等當知！
T16n0665_p0407a02(00) 云般涅槃有舍利者，是密意說，如是之義，
T16n0665_p0407a03(00) 當一心聽。善男子！菩薩摩訶薩如是應知，
T16n0665_p0407a04(00) 有其十法能解如來。應。正等覺真實理趣，
T16n0665_p0407a05(00) 說有究竟大般涅槃。云何為十？一者、
T16n0665_p0407a06(02) 諸佛如來究竟斷盡諸煩惱障、所知障故，
T16n0665_p0407a07(03) 名為涅槃。二者、
T16n0665_p0407a08(14) 諸佛如來善能解了有情無性及法無性故，名為涅槃。三者、
T16n0665_p0407a09(07) 能轉身依及法依故，名為涅槃。四者、
T16n0665_p0407a10(09) 於諸有情任運休息化因緣故，名為涅槃。五者、
T16n0665_p0407a11(07) 證得真實無差別相平等法身故，名為涅槃。六者、
T16n0665_p0407a12(04) 了知生死及以涅槃無二性故，名為涅槃。七者、
T16n0665_p0407a13(02) 於一切法了其根本，證清淨故，名為涅槃。
T16n0665_p0407a14(01) 八者、於一切法無生無滅善修行故，
T16n0665_p0407a15(03) 名為涅槃。九者、真如法界實際平等，得正智故，
T16n0665_p0407a16(01) 名為涅槃。十者、於諸法性及涅槃性，
T16n0665_p0407a17(03) 得無差別故，名為涅槃。是謂十法說有涅槃。
T16n0665_p0407a18(00) 「復次，善男子！菩薩摩訶薩如是應知，
T16n0665_p0407a19(02) 復有十法，能解如來。應。正等覺真實理趣，
T16n0665_p0407a20(02) 說有究竟大般涅槃。云何為十？一者、
T16n0665_p0407a21(04) 一切煩惱以樂欲為本，從樂欲生；
T16n0665_p0407a22(06) 諸佛世尊斷樂欲故，名為涅槃。二者、以諸如來斷諸樂欲，
T16n0665_p0407a23(00) 不取一法，以不取故，無去無來，
T16n0665_p0407a24(03) 無所取故，名為涅槃。三者、以無去來及無所取，
T16n0665_p0407a25(00) 是則法身不生不滅，無生滅故，名為涅槃。
T16n0665_p0407a26(00) 四者、此無生滅非言所宣，言語斷故，
T16n0665_p0407a27(02) 名為涅槃。五者、無有我人，惟法生滅，
T16n0665_p0407a28(03) 得轉依故，名為涅槃。六者、煩惱隨惑，皆是客塵，
T16n0665_p0407a29(01) 法性是主，無來無去，佛了知故，名為涅槃。
T16n0665_p0407b01(01) 七者、真如是實，餘皆虛妄，實性體者即是真如，
T16n0665_p0407b02(00) 真如性者即是如來，名為涅槃。八者、
T16n0665_p0407b03(02) 實際之性無有戲論，惟獨如來證實際法，
T16n0665_p0407b04(01) 戲論永斷，名為涅槃。九者、無生是實，
T16n0665_p0407b05(03) 生是虛妄，愚癡之人漂溺生死，如來體實，
T16n0665_p0407b06(03) 無有虛妄，名為涅槃。十者、

T16n0665_p0407b07(07) 不實之法是從緣生，真實之法不從緣起，如來法身，
 T16n0665_p0407b08(02) 體是真實，名為涅槃。善男子！
 T16n0665_p0407b09(07) 是謂十法說有涅槃。
 T16n0665_p0407b10(00) 「復次，善男子！菩薩摩訶薩如是應知，
 T16n0665_p0407b11(02) 復有十法，能解如來。應。正等覺真實理趣，
 T16n0665_p0407b12(02) 說有究竟大般涅槃。云何為十？一者、
 T16n0665_p0407b13(05) 如來善知施及施果，無我我所，此施及果不正分別，
 T16n0665_p0407b14(02) 永除滅故，名為涅槃。二者、如來善知戒及戒果，
 T16n0665_p0407b15(00) 無我我所，此戒及果不正分別，永除滅故，
 T16n0665_p0407b16(01) 名為涅槃。三者、如來善知忍及忍果，
 T16n0665_p0407b17(03) 無我我所，此忍及果不正分別，永除滅故，名為涅槃。
 T16n0665_p0407b18(00) 四者、如來善知勤及勤果，無我我所，
 T16n0665_p0407b19(02) 此勤及果不正分別，永除滅故，名為涅槃。五者、
 T16n0665_p0407b20(00) 如來善知定及定果，無我我所，
 T16n0665_p0407b21(04) 此定及果不正分別，永除滅故，名為涅槃。六者、
 T16n0665_p0407b22(03) 如來善知慧及慧果，無我我所，此慧及果不正分別，
 T16n0665_p0407b23(00) 永除滅故，名為涅槃。七者、
 T16n0665_p0407b24(06) 諸佛如來善能了知一切有情非有情，一切諸法皆無性，
 T16n0665_p0407b25(01) 不正分別，永除滅故，名為涅槃。八者、
 T16n0665_p0407b26(03) 若自愛者便起追求，由追求故，受眾苦惱；
 T16n0665_p0407b27(03) 諸佛如來除自愛故，永絕追求，無追求故，
 T16n0665_p0407b28(02) 名為涅槃。九者、有為之法皆有數量，
 T16n0665_p0407b29(03) 無為法者數量皆除，佛離有為，證無為法，
 T16n0665_p0407c01(02) 無數量故，名為涅槃。十者、
 T16n0665_p0407c02(07) 如來了知有情及法，體性皆空，離空非有，
 T16n0665_p0407c03(07) 空性即是真法身故，名為涅槃。善男子！
 T16n0665_p0407c04(07) 是謂十法說有涅槃。
 T16n0665_p0407c05(00) 「復次，善男子！
 T16n0665_p0407c06(11) 豈惟如來不般涅槃是為希有？復有十種希有之法，是如來行。
 T16n0665_p0407c07(03) 云何為十？一者、生死過失，涅槃寂靜，
 T16n0665_p0407c08(06) 由於生死及以涅槃證平等故，不處流轉，不住涅槃，
 T16n0665_p0407c09(01) 於諸有情不生厭背，是如來行。二者、
 T16n0665_p0407c10(03) 佛於眾生不作是念：『此諸愚夫行顛倒見，
 T16n0665_p0407c11(03) 為諸煩惱之所纏迫；我今開悟，令其解脫。』
 T16n0665_p0407c12(03) 然由往昔慈善根力，
 T16n0665_p0407c13(11) 於彼有情隨其根性意樂勝解，不起分別，任運濟度，示教利喜，
 T16n0665_p0407c14(03) 盡未來際無有窮盡，是如來行。三者、佛無是念：
 T16n0665_p0407c15(02) 『我今演說十二分教，利益有情。』
 T16n0665_p0407c16(05) 然由往昔慈善根力，為彼有情廣說，
 T16n0665_p0407c17(07) 乃至盡未來際無有窮盡，是如來行。四者、佛無是念：
 T16n0665_p0407c18(04) 『我今往彼城邑聚落，王及大臣、婆羅門、刹帝利、薛舍、
 T16n0665_p0407c19(00) 戍達羅等舍，從其乞食。』
 T16n0665_p0407c20(07) 然由往昔身語意行慣習力故，任運詣彼，
 T16n0665_p0407c21(05) 為利益事而行乞食，是如來行。五者、
 T16n0665_p0407c22(06) 如來之身無有饑渴，亦無便利羸憊之相，
 T16n0665_p0407c23(05) 雖行乞取而無所食，亦無分別，然為任運利益有情，
 T16n0665_p0407c24(01) 示有食相，是如來行。六者、佛無是念：
 T16n0665_p0407c25(04) 『此諸眾生，有上、中、下，隨彼機性而為說法。』
 T16n0665_p0407c26(01) 然佛世尊無有分別，隨其器量善應機緣，
 T16n0665_p0407c27(01) 為彼說法，是如來行。七者、佛無是念：
 T16n0665_p0407c28(04) 『此類有情不恭敬我，常於我所出呵罵言，
 T16n0665_p0407c29(02) 不能與彼共為言論；彼類有情恭敬於我，
 T16n0665_p0408a01(02) 常於我所共相讚歎，我當與彼共為言說。』
 T16n0665_p0408a02(02) 然而如來起慈悲心，平等無二，是如來行。八者、
 T16n0665_p0408a03(00) 諸佛如來無有愛憎、憍慢、貪惜及諸煩惱，

T16n0665_p0408a04(00) 然而如來常樂寂靜，讚歎少欲，離諸諠鬧，
T16n0665_p0408a05(00) 是如來行。九者、如來無有一法不知、
T16n0665_p0408a06(02) 不善通達，於一切處鏡智現前無有分別。
T16n0665_p0408a07(02) 然而如來，見彼有情所作事業，隨彼意轉方便，
T16n0665_p0408a08(00) 誘引令得出離，是如來行。十者、
T16n0665_p0408a09(04) 如來若見一分有情得富盛時，不生歡喜；見其衰損，
T16n0665_p0408a10(00) 不起憂感。然而如來見彼有情修習正行，
T16n0665_p0408a11(00) 無礙大慈自然救攝；若見有情修習邪行，
T16n0665_p0408a12(00) 無礙大悲自然救攝。是如來行。善男子！
T16n0665_p0408a13(01) 如是當知如來。應。正等覺，
T16n0665_p0408a14(07) 說有如是無邊正行。汝等當知，是謂涅槃真實之相。
T16n0665_p0408a15(03) 或時見有般涅槃者，是權方便，
T16n0665_p0408a16(07) 及留舍利令諸有情恭敬供養，皆是如來慈善根力。若供養者，
T16n0665_p0408a17(00) 於未來世，遠離八難，逢值諸佛，遇善知識，
T16n0665_p0408a18(00) 不失善心，福報無邊，速當出離，
T16n0665_p0408a19(04) 不為生死之所纏縛，如是妙行，汝等勤修，
T16n0665_p0408a20(03) 勿為放逸。」
T16n0665_p0408a21(00) 爾時，
T16n0665_p0408a22(14) 妙幢菩薩聞佛親說不般涅槃及甚深行，合掌恭敬白言：
T16n0665_p0408a23(10) 「我今始知如來大師不般涅槃，及留舍利普益眾生，身心踊悅，
T16n0665_p0408a24(01) 歎未曾有。」說是如來壽量品時，
T16n0665_p0408a25(06) 無量無數無邊眾生，皆發無等等阿耨多羅三藐三菩提心。
T16n0665_p0408a26(00) 時四如來忽然不現，妙幢菩薩，禮佛足已，
T16n0665_p0408a27(00) 從座而起還其本處。
T16n0665_p0408a28(00) 金光明最勝王經卷第一

引自CBETA： http://www.cbeta.org/result/normal/T16/0665_001.htm
